



ԵԿԵՂԵՑԱԿԱՆ ԲԵՄ. ԼՈՒՐԵՐ

Սեպտեմբերի 20-ին, չորեքշաբթի.—Այսօր լրացավ Վեհափառ Հայրապետի ծննդյան 70-ամյակը: Այս ուրախ առիթով, առավոտյան, աշխատանքից առաջ, Մայր Աթոռի աշխատավորությունը Վեհարանում շնորհավորեց Նորին Սուրբ Օծության ծննդյան տարեդարձը:

Հանուն աշխատավորության խոսք առավ «Էջմիածին» ամսագրի խմբագիր Ա. Հատիտյանը և ասաց, որ այս օրը Մայր Աթոռի միաբանության և աշխատավորության համար կրկնակի ուրախության և ազգային հպարտության օր է, որովհետև Հայոց Հայրապետը իր ծննդյան 70-ամյակի առիթով և հանուն խաղաղության պաշտպանության իր կատարած բեղուն գործունեության համար սեպտեմբերի 19-ի Կենտրոնական կառավարության հրամանագրով պարգևատրվել է «Ժողովուրդների բարեկամության» շքանշանով:

Այս ուրախ առիթով Ա. Հատիտյանը ջերմորեն շնորհավորեց Հայոց Հայրապետին և սրտագին բարեմաղթություններ արեց Նրա կյանքի արևադարձային համար՝ ի պաշտոնություն Մայր Աթոռ ա. Էջմիածնի,

ի բարօրություն հայրենյաց և ի մխիթարություն հայ ժողովրդի, որ ի հայրենիս և ի սփյուռս աշխարհի:

Նույն օրը, ավելի ուշ, հոգևոր ճեմարանի ուսանողությունը նույնպես աջահամբույրով շնորհավորեց Վեհարանում Հայոց Հայրապետի 70-ամյակը՝ Նրան մատուցելով 70 բուրումնավետ վարդերից կազմված մի իրունջ:

Երեկոյան Մայր Աթոռի միաբանությունը ևս որդիական երախտագիտությամբ շնորհավորեց իր հոգևոր Հոր ծննդյան 70-ամյակը՝ Նորին Սրբությանը նվիրելով գեղեցիկ բյուրեղապակյա մի ընտիր ծաղկաման:

*
*
*

Սեպտեմբերի 26-ին, երեքշաբթի.—Այսօր Վեհափառ Հայրապետին այցելեց Մոսկվայում Հունաստանի հանրապետության արտակարգ և լիազոր դեսպան Պյոտր Կալոգերաքը՝ իր հարգելի տիկնոջ հետ: Հայոց Հայրապետի և մեծահարգ դեսպանի միջև տեղի ունեցավ ջերմ զրույց:

* * *

Նույն օրը, երեկոյան ժամը 19-ին, Վեհափառ Հայրապետի նախագահությամբ, Վեհաքառնում տեղի ունեցավ Գերագույն հոգևոր խորհրդի հերթական նիստը, որին մասնակցեցին ուխտավորաբար Մայր Աթոռում գտնվող և Գերագույն հոգևոր խորհրդի անդամ, Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ տ. Սերովբե արքեպ. Մանուկյանը և Լոնդոնից՝ տ. Պասկ արքեպ. Թումայանը:

* * *

Սեպտեմբերի 27-ին, չորեքշաբթի.—Այսօր Վեհափառ Հայրապետը Վեհաքառնում ընդունեց այցելությունը անվանի գրող Մարիետա Ծահինյանի, որը եկել էր շնորհավորելու Հայոց Հայրապետի ծննդյան 70-ամյակը և «Ժողովուրդների բարեկամության» շքանշանով պարգևատրվելը:

* * *

Հոկտեմբերի 8-ին, կիրակի.—Այսօր Վեհափառ Հայրապետին այցելեց Ա. Պոլսից ա. Էջմիածին ժամանած ուխտավորների մի մեծ խումբ: Այդ ընդունելության ընթացքին պոլսահայերից խոսք առավ տիկին Սոնա Թևկյանը և հանուն բարեպաշտ ուխտավորների ընթերցեց հետևյալ ուղերձը.

«Վեհափառ Տեր,

Այսօր, յուր և հանդիսավոր այս պահուն, մենք՝ խումբ մը իսթանպուլահայեր, պատիվ կզգանք գտնվելով Ձեր բարձր ներկայության, ու քերելով մեր շատ համեստ, այլ նույնքան սրտաբուխ խանդավառությամբ գեղուն մասնակցությունը Ձեր ծննդյան յոթանասուներորդ և զահակալության քսաներեքերորդ զույգ այս տոներուն, որոնք մերիններուն նման կրօնավառեն բովանդակ ժողովուրդի մը սիրտն ալ, հոգիին հետ:

Անկեղծ է այդ ժողովուրդը իր զգացումներով, խորապես: Ցրված աշխարհի ամեն կողմ, խեղճ տնակի մը կամ շքեղ ապարանքներու մեջ, հարգալիք ու հավատարիմ միշտ ավանդապահորեն, պապենական գեղեցիկ ժառանգականությամբ, հանդեպ այն Անձին, որ մականը գործածեց կախարդական ցուպ մը իբրև, ունեցավ սիրտ մը, մեծ սիրտ մը, քեղուն մտքի մը առընթեր, սիրով, գորովանքով հակեցավ վտարանդի իր հոտին ու անոր ցավերուն վրա, և որ հաջողեցավ լիովին կատարել վսեմ իր ա-

ռաքելությունը՝ այնքան զգայնորեն գիտակից:

Ու այս առաքելությունը կշարունակվի արժանավորապես, շրջանի մը մանավանդ, երբ եկեղեցական որևէ պարտականություն կամ միջամտություն, տիրող մտայնություններու և հոգեկան տագնապներու հետևանք, կրնար բաղձալի չնկատվիլ հիմնովին:

Գուրգուրացիք, իբր մասունքի մը, հողին տակ պահված քարի կտորին՝ հնադարյան քելոր մը սրբավայրե մը մնացած, ու հավատացիք թե այդ ավերակներու վերանորոգման հետ պիտի նորոգվին նաև հոգիները՝ շատոնց որբացած:

Դո՛ւք էիք, որ իբր ճշմարիտ կրոնապետ և ընտիր մտավորական, Ձեր ուղիղ դատումներով ու համամարդկային զգացումներով հմայեցիք օտար ազգերն իսկ և զողեցիք մեր սիրտերը, հուզիչ եղբայրությամբ, ասիոք տալով յուրաքանչյուր հայու, որ անդրադառնա, թե տակավին չցամքած հույսեր կրթության իր էությունեն ներս՝ բաբախուն կուրծքին ներքև, որ, վերջապես, գոյություն ունի ա. Էջմիածին մը, եկած հեռավոր դարերու խորեն, եկած խունկի ծուխով և բույրով օծուն, իբր սրբազան կոթող հոգեկան թե բարոյական նվիրականություններու:

Թելադրեցիք հայրաբար ու ներշնչեցիք ժողովուրդը դեպի իրարհասկացողություն և միաբանություն հրավիրելով զայն, գորովագութ արտահայտությամբն ու պայծառ ժպիտովը Ձեր պատկառելի դեմքին, զոր անգամ մը տեսնողը ալևս պիտի չմոռնար: Ինչպե՛ս չմոռցա ես ալ:

Ու չմոռցա նաև տարիներ առաջ Վեհամոր ցավը՝ մոր ցավը, զոր հայտներ էր խոսակցի մը, իր անդարձ մեկնումեն միջոց մը առաջ, մտերիմ մեկ պահուն. «Դեռ երիտասա՛րդ է զավակս. ինչո՞ւ... ինչո՞ւ այսքան կանուխ ճերմկեին մազերը...»:

Այո՛, ինչո՞ւ...

Ինչպե՛ս չըլլար սակայն. ինչպե՛ս չըկազմվեր այդ լուսապսակը վատակաբեկ ճակտին վերև Հոր մը՝ իր նահապետական ընտանիքի ծանր հոգերովը բեռնավոր՝ տակավին երիտասա՛րդ արդարև...

Մեզի համար անմոռանալի այս հանդիսության, մինչ բազմաթիվ կրոնավորներու կարգին՝ կվայելենք նաև ներկայությունը մեր սիրելի սրբազան պատրիարք հոր՝ Ծնորհք արքեպ. Գալուստյանի, որ գիտցավ հսկել իր հոտին զորեղ կամքով, այլ իրեն հատուն թուրք պետական ավագանիեն թե ժողովուրդեն, հավասարապես, կհուսամ անկեղծ թարգմանը ըլլալ շուրջիններուս և իմ սրտաբուխ ցանկություններուն, ուղղ-

ված Ձերդ Վեհափառության, Ձեր տարե-
դարձներու կրկնակ տոներուն առթիվ: Քի-
չեր միայն իրենց կենդանությանը արժա-
նացան միահամուռ սիրո՝ գուրգուրանքի՝
ալսքան. և Դուք այդ բացառիկներեն մեկը
եղաք: Երջանիկ ենք ու հպարտ՝ ըլլալով
ժամանակակիցը այդ մեծ Անձնավորու-
թյան, որու անունը գնահատությամբ պիտի
արձանագրեն եկեղեցական պատմությունը,
և զոր բովանդակ ժողովուրդ մը պիտի
քանդակեն իր սրտին խորը, երախտագիտու-
րեն՝ հավատարմաբար:

Որդիական ամենախոր հարգանքներով՝

ՍՈՆԱ Ն. ԹՆԿՐՅԱՆ

Իսթանպուլ,

8 հոկտեմբերի 1978 թ.

*
* *

Հոկտեմբերի 10-ին, երեքշաբթի.—Այսօր,
երեկոյան, Վեհափառ Հայրապետի նախա-
գահությամբ, Վեհարանում գումարվեց Գե-
րագույն հոգևոր խորհրդի հերթական նիս-
տը:

Ժողովին հրավիրված էր նաև ուխտա-
վորաբար Մայր Աթոռում գտնվող Թուր-
քիայի հայոց տ. Շնորհք սրբազան պատ-
րիարքը, որին ջերմորեն ողջունեց Վեհա-
փառ Հայրապետը:

Նորին սրբազնությունը, խոսք առնելով,
շնորհակալություն հայտնեց Հայոց Հայրա-
պետին, որ ներկա է լինում Գերագույն հո-
գևոր խորհրդի սույն նիստին, և ապա հա-
մառոտակի տեղեկություններ հաղորդեց
ստամբուլահայ եկեղեցիների և համայնք-
ների եկեղեցական, կրթական և մշակու-
թային գործունեության մասին:

Տ. Շնորհք սրբազան պատրիարքը իր
պատասխան խոսքում նշեց նաև, որ իր այ-
ցելությունը Մայր Աթոռ միշտ գոտեպըն-
դում, նոր ուժ է ներշնչում՝ շարունակելու
համար իր պատասխանատու գործունեու-
թյունը որպես Թուրքիայի հայոց պատ-
րիարքի:

Սրբազան պատրիարք հայրը կրկին ան-
գամ հավաստեց, որ Թուրքիայում ապրող
հայությունը հավատարմորեն կապված է
Մայր Աթոռին և նրա արժանավոր Գահա-
կալին և պիտի շարունակի մնալ միշտ հա-
րազատ ու հավատարիմ զավակը ս. Էջ-
միածնի՝ անվերապահորեն կապված իր
նախնիների սուրբ հավատքին և եկեղեցա-
կան ավանդություններին:

Այնուհետև Հայոց Հայրապետը ողջունեց
նաև Գերագույն հոգևոր խորհրդում ներ-
կայությունը տ. Սերովքե և տ. Ծաֆե արք-

եպիսկոպոսների, որպես անդամների Գե-
րագույն հոգևոր խորհրդի:

Տ. Սերովքե և տ. Ծաֆե սրբազանները
պատասխան խոսքով շնորհակալություն
հայտնեցին Հայոց Հայրապետին՝ Նրա ող-
ջույնի ջերմ խոսքերի համար:

Այնուհետև Վեհափառ Հայրապետը Գե-
րագույն հոգևոր խորհրդի սույն նիստում
մասնավոր ուրախությամբ ողջունեց նաև
ներկայությունը տ. Սիոն արքեպ. Մանուկ-
յանի, որը վերջերս, Նորին Սուրբ Օծության
հրավերով, վերջնականապես տեղափոխ-
վել էր Միացյալ Նահանգներից Մայր Ա-
թոռ, այնտեղ աշխատելու և գործելու հա-
մար:

Հայոց Հայրապետը շեշտեց, որ տ. Սիոն
արքեպիսկոպոսը իր վաստակով և եկեղե-
ցական-կրթական գործունեությամբ հար-
մար և անհրաժեշտ հոգևորականն էր, ո-
րին պետք ուներ ինքը:

Վեհափառ Հայրապետը հատենի ժողովո
հայտնեց, որ ինքը հրավիրել է Նորին սրբ-
բազնությանը որպես Գերագույն հոգևոր
խորհրդի անդամ և նշանակել ատենապետ
նույն ժողովի:

Գերագույն հոգևոր խորհրդի անդամնե-
րը երախտագիտությամբ ընդունեցին Հա-
յոց Հայրապետի այս որոշումը:

Տ. Սիոն արքեպիսկոպոսը, խոսք առնե-
լով, շնորհակալություն և երախտագիտու-
թյուն հայտնեց Հայոց Հայրապետին և Գե-
րագույն հոգևոր խորհրդի անդամներին՝
արտահայտված գեղեցիկ խոսքերի համար,
և հավաստիացրեց, որ ինքը սիրով և նվի-
րումով կկատարի Հայոց Հայրապետի կող-
մից իր վրա դրված նոր պարտականու-
թյունները:

Տ. Սիոն արքեպիսկոպոսը Մայր Աթոռին
ի նպաստ կատարել է 15.000 դոլլարի նվի-
րատվություն:

*
* *

Հոկտեմբերի 11-ին, չորեքշաբթի.—Այ-
սօր, երեկոյան, Վեհարանում կայացավ
միաբանական հերթական հավաքույթ, որի
ընթացքում խոսք առավ Վեհեպիկ Մխի-
թարյան միաբանության անդամ տ. Ներ-
սես վրդ. Տեր-Ներսեսյանը և ներկայաց-
րեց Վեհեպիկ Մխիթարյան վանքի վա-
նական ներքին կանոնադրությունը:

*
* *

Հոկտեմբերի 18-ին, ուրբաթ.—Այսօր Վե-
հափառ Հայրապետին այցելեց հյուրաբար
Երևանում գտնվող Տաշիկական ՍՍՀ Գե-
րագույն սովետի նախագահության նախա-

գահ մեծահարգ Խոլով Մախմեջյանը՝ իր ուղեկիցներով:

Հայոց Հայրապետի և Տաջիկստանի մեծահարգ նախագահի միջև տեղի ունեցավ ջերմ զրույց:

*
*
*

Հոկտեմբերի 15-ին, կիրակի.—Այսօր Մայր տաճարում ս. պատարագ մատուցեց Ավստրալիայի և Նոր Զելանդիայի հայոց առաջնորդ տ. Գարեգին եպս. Գազանձյանը ու քարոզեց՝ «Որք զարդարեցին տնօրինաբար զիմաստս Անեղին» Թարգմանչաց նվիրված շարականի բնաբանով:

Ս. պատարագին ներկա էր Վեհափառ Հայրապետը:

Հավարտ ս. պատարագի կատարվեց հոգեհանգիստ՝ 1915-ի Հաճնի հերոսամարտում զոհված մարտիկների հիշատակին:

*
*
*

Հոկտեմբերի 16-ին, երկուշաբթի.—Այսօր Վեհափառ Հայրապետին այցելեց Սովետական Միության մարշալ Հովհաննես Բաղրամյանը, որը Երևանում էր գտնվում Ռուսաստանի հետ Արևելյան Հայաստանի միավորման 150-ամյակի հանդիսություններին մասնակցելու համար:

Հայոց Հայրապետի և մեծանուն մարշալի միջև տեղի ունեցավ ջերմ զրույց՝ արտագին մթնոլորտում:

Զրույցի ընթացքում մարշալ Հովհաննես Բաղրամյանը շնորհավորեց Հայոց Հայրապետի ծննդյան 70-ամյակը և «Ժողովուրդների բարեկամության» շքանշանով պարգևատրվելը:

*
*
*

Հոկտեմբերի 21-ին, շաբաթ.—Այսօր Վեհափառ Հայրապետը ընդունեց այցելությունը քեյրության հարկու ծանոթ հասարակական գործիչների՝ պրոֆ. Բարունակ Թովմասյանի և «Արարատ» օրաթերթի խմբագիր Ժիրայր Նաիրիի, որոնք եկել էին Հայոց Հայրապետին տեղյակ պահելու Բելյուրում վերջին տխուր իրադարձությունների պատճառով հայ ժողովրդի ենթարկված տնտեսական ծանր կացության և կատարված մարդկային կորուստների մասին: Հայոց Հայրապետը վշտով լսեց այդ բոլորի մասին և անմիջական պատրաստակամություն հայտնեց նյութական շտապ օգնություն հասցնել Բելյուրի հայ աղետյալներին:

Այս առթիվ Ամենայն Հայոց Հայրապետը Մայր Աթոռի միջոցներից 30 հազար ամերիկյան դոլլարի նյութական օգնություն ուղարկեց Բելյուր և որոշեց հայրապետական մի կոչով համազգային մի նոր համագնակություն ձեռնարկել՝ օգնելու համար լիբանանահայ աղետյալների նյութական ու կրթական կարիքներին:

*
*
*

Հոկտեմբերի 22-ին, կիրակի.—Այսօր Մայր տաճարում ս. պատարագ մատուցեց Դամասկոսի հայոց թեմի առաջնորդ տ. Ոսկան Ծ. վրդ. Գալիաքյանը և քարոզեց «Բանին կենաց կանոյս քարոզ և աւետարանիչ, երգ փրկութեան հնչումն ահաւոր», շարականի բնաբանով:

Ս. պատարագին ներկա էր Հայոց Հայրապետը:

*
*
*

Հոկտեմբերի 28-ին, շաբաթ.—Այսօր, առավոտյան, Վեհաբանում Վեհափառ Հայրապետը ընդունեց այցելությունը Մոսկվայում արտաքին գործոց մինիստրությունում հավատարմագրված արտասահմանյան 32 երկրների թղթակիցների: Վեհափառ Հայրապետի և թղթակիցների միջև տեղի ունեցավ ջերմ զրույց, որի ընթացքում Հայոց Հայրապետը պատասխանեց մասնական հետաքրքրող բազում հարցերին:

*
*
*

Հոկտեմբերի 29-ին, կիրակի.—Գիտ Խաչի.

Այսօր Մայր տաճարում պատարագեց տ. Թորգոմ վրդ. Մուշեղյանը և քարոզեց Խաչի խորհրդի մասին:

Ս. պատարագին ներկա էր Վեհափառ Հայրապետը:

*
*
*

Նույն օրը, կեսօրին, Վեհափառ Հայրապետին այցելեց տիեզերագնաց-օդաչու, Սովետական Միության հերոս Լեոնովը: Հայոց Հայրապետը ջերմորեն ընդունեց և հետաքրքիր զրույց ունեցավ տիեզերագնաց-օդաչուի հետ:

*
*
*

Հոկտեմբերի 30-ին, երկուշաբթի.—Այսօր Հայոց Հայրապետը ընդունեց այցելությունը Մոսկվայում Անգլիայի արտակարգ և

լիազոր դեսպանի առաջին տեղակալ Ռոբերտ Ուելդ-Գերրիի և նրա հարգելի տիկնոջ:

Հայոց Հայրապետի և հարգելի հյուրի միջև տեղի ունեցավ ջերմ գրույց՝ վերջերս Նորին Սուրբ Օծության Լոնդոն կատարած հովվապետական այցելության, ինչպես նաև հայ և անգլիկան եկեղեցական և մշակութային հարաբերությունների մասին:

*
*
*

Նոյեմբերի 1-ին, չորեքշաբթի.—Այսօր, երեկոյան, Վեհարանում տեղի ունեցավ Մայր Աթոռի միաբանների հերթական հավաքույթը՝ Վեհափառ Հայրապետի ներկայությամբ:

Հավաքույթի ընթացքին խոսք առավ Ստեփանոս ասրկավագը, որը հանգամանորեն ներկայացրեց հույն եկեղեցու վարդապետ Պապանտրեոսի վերջերս գրած դոկտորական աշխատանքը, որը կոչվում է «Հայ եկեղեցու ծագումը և կազմակերպությունը»:

*
*
*

Նոյեմբերի 3-ին, ուրբաթ.—Այսօր, երեկոյան ժամը 19-ին, Երևանի հայրապետական վիլլայում Վեհափառ Հայրապետի նախագահությամբ գումարվեց Գերագույն հոգևոր խորհրդի հերթական նիստը:

*
*
*

Նոյեմբերի 5-ին, կիրակի.—Այսօր Մայր տաճարում պատարագեց տ. Մովսիս վրդ. Սարգսյանը և քարոզեց՝ «Հա՛յր, թո՛ղ դոցա՛՝ զի ոչ գիտեն զինչ գործեն» (Ղուկաս ԻԳ. 34) բնաբանով:

Ս. պատարագին ներկա էր Վեհափառ Հայրապետը:

*
*
*

Նոյեմբերի 8-ին, չորեքշաբթի.—Այսօր, երեկոյան, Մայր Աթոռ ժամանեց Մեծի Տանն Կիլիկիո Աթոռի պատվիրակությունը: Հանուն Ամենայն Հայոց Վեհափառ Հայրապետի Մեծի Տանն Կիլիկիո Աթոռի պատվիրակությանը դիմավորեցին տ. Հուսիկ արքեպ. Սանթրոյանը, տ. Թորգոմ վրդ. Մուշեղյանը և տ. Բյուզանդ արկ. Գալայջյանը:

*
*
*

Նոյեմբերի 9-ին, հինգշաբթի.—Այսօր, ե-

րեկոյան, Վեհարանում կայացավ միաբանական հերթական հավաքույթը, որի ընթացքում խոսք առավ Մեծի Տանն Կիլիկիո պատգամավորության անդամ և Անթիլիասի դպրեվանքի տեսուչ տ. Տաթև եպս. Սարգիսյանը և խոսեց վերջերս Բեյրութում տեղի ունեցած իրադարձությունների մասին, որոնց պատճառով մարդկային և նյութական ծանր կորուստների էր մատնվել լիբանանահայությունը: Սրբազանի զեկուցումը լավեց հուզումով և վշտով:

Զեկուցմանը ներկա էր նաև Վեհափառ Հայրապետը:

*
*
*

Նոյեմբերի 12-ին, կիրակի.—Այսօր Մայր տաճարում ս. պատարագ մատուցեց տ. Կոմիտաս արքեպ Հովնանյանը:

*
*
*

Նոյեմբերի 14-ին, չորեքշաբթի.—Այսօր, երեկոյան, Վեհարանում կայացավ միաբանական հերթական հավաքույթը: Հավաքույթի ընթացքում խոսք առավ տ. Սիոն արքեպ. Մանուկյանը, որը խոսեց Վեհարանում նոյեմբերի 9—11 օրերին Մայր Աթոռի ներկայացուցիչների և Մեծի Տանն Կիլիկիո Աթոռի պատգամավորների խորհրդակցական հանդիպումների մասին, որոնց նպատակն էր համագգային հանգանակությամբ և Ամենայն Հայոց Հայրապետի քարձր հովանավորությամբ կազմակերպել Լիբանանի հայ աղետյալների օգնության գործը:

Այնուհետև տ. Մասիս վրդ. Գալստյանը խոսեց վերջերս Ադրբեջանի գիտությունների ակադեմիայի անդամ, ակադեմիկոս Բունիաթովի մեկ հոդվածի մասին, որտեղ ոչ ճիշտ տեղեկություններ էին հաղորդված հայ ժողովրդի պատմության և հայ մշակույթի մասին: Երևանի ս. Մեսրոպ Մաշտոցի անվան Մատենադարանի դիրեկտոր, ակադեմիկոս Լևոն Խաչիկյանի գլխավորությամբ երեք հայ գիտնականներ հանգամանորեն պատասխանել են ակադեմիկոս Բունիաթովի հոդվածին, պատմական ճշգրիտ փաստերի հիման վրա:

*
*
*

Նոյեմբերի 19-ին, կիրակի.—Այսօր Մայր տաճարում պատարագեց տ. Հովհաննես ավագ քհն. Մարությանը և քարոզեց «Ձի որ փոքրիկն է յամենեսին ի ձեզ՝ նա եղիցի մեծ» (Ղուկ. Թ 48) բնաբանով:

Նոյեմբերի 22-ին, չորեքշաբթի.—Այսօր, երեկոյան, Վեհաբանում տեղի ունեցավ միաբանական հերթական ճիստը, որին ներկա էր նաև Վեհափառ Հայրապետը:

Հավաքույթին խոսք առավ Բուենոս Այրեսից վերջերս ուխտավորաբար ա. Էջմիածին ժամանած Մայր Աթոռի միաբան Հովհաննես արկ. Գրվզդյանը, որը ութ տարիներից ի վեր ծառայում էր տեղի հայ համայնքում որպես սարկավագ և կրթական մշակ: Բարեջնորհ սարկավագը հանգամանորեն ներկայացրեց Հայրավային Ամերիկայի և հատկապես Արգենտինայի հայ գաղութի ազգային, եկեղեցական, կրթական կյանքը և պատասխանեց ներկաներից ուսանց հարցերին:

Նոյեմբերի 26-ին, կիրակի.—Այսօր Մայր տաճարում պատարագեց տ. Արսեն եպս. Բերբերյանը և քարոզեց՝ «Այլ մեք առ սէրն Բրիտանիան մերոյ, ընդ այս յոյժ եմք խընդացեալ և կատարեալ պարզևս զսա իսկ համարիմք, զի ժամանակեայ վշտօքս զանժամանակ երանութիւնս ծառանգեցուք» (Եղիշէ):

Հավարտ սուրբ պատարագի Վեհափառ Հայրապետի նախագահությամբ կատարվեց կառավարական մաղթանք՝ նվիրված Հայաստանում սովետական կարգերի հաստատման 58-րդ տարեդարձին:

Նոյեմբերի 29-ին, չորեքշաբթի.—Այսօր, երեկոյան, Վեհաբանում տեղի ունեցավ միաբանական հերթական հավաքույթը: Հավաքույթին Վեհափառ Հայրապետը խոսեց Հայաստանում սովետական կարգերի հաստատման 58-րդ տարեդարձի մասին՝ նշելով անցնող 58 տարիների ընթացքում հայ պետականության առկայության պայմաններում հայ ժողովրդի ձեռք բերած նվաճումների մասին, բոլոր բնագավառներում:

Դեկտեմբերի 2-ին, շաբաթ.—Տօն սրբոց առաքելոցն և առաջին լուսաւորչացն մերոց Թադէոսի և Բարթողիմէոսի:

Այսօր Մայր տաճարում ա. պատարագ մատուցեց տ. Արտակ քին. Սիմոնյանը:

Դեկտեմբերի 3-ին, կիրակի.—Այսօր Մայր տաճարում ա. պատարագ մատուցեց տ. Մանուկ քին. Մարգարյանը և քարոզեց՝ «Որք առիք զպատուէր քարոզել աներկիւղ զբանն կենաց աշխարհի» շարականի բնաբանով, ներկայացնելով հայ եկեղեցու առաքելական ծագման պատմությունը և հայ ժողովրդի կյանքում կատարած նրա նախաճանաչական դերը:

ՔԱՀԱՆԱՅԱԿԱՆ ՁԵՌՆԱԴՐՈՒԹՅՈՒՆ Ս. ԳԵՂԱՐԴ ՎԱՆՔՈՒՄ

Սույն թվականի հուլիսի 31-ին, կիրակի օրը, Ամենայն Հայոց Հայրապետի հրամանով, Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանը ա. Գեղարդ վանքում, խարտավիակությամբ տ. Եղիշէ քին. Մարգրյանի, քահանա ձեռնադրեց ա. Էջմիածնի հոգևոր ճեմարանի առաջին շրջանավարտուսաններից Գուրգեն արկ. Մուրադյանին:

Եկեղեցում ծառայելու հետ միասին Գուրգեն սարկավագը ավարտել է նաև Երևանի պետական համալսարանի բանասիրական ֆակուլտետը:

Նորընծա տ. Գուրգեն քահանան իր քառասունքը անցկացրել է ա. Գեղարդ վանքում:

Տ. Գուրգեն քահանան ծնվել է 1928 թվականին Էջմիածին քաղաքում: 1951-ին ավարտել է ա. Էջմիածնի հոգևոր ճեմարանը և ձեռնադրվել սարկավագ:

Այսօր ա. Գեղարդ վանքում պաշտոնավարում են չորս լուսամիտ և հավատավոր քահանա հայրեր, որպես նույն վանքի միաբանության անդամներ՝ տ. Եղիշէ քին. Մարգարյանը (վանահայր), տ. Մովսես, տ. Գուրգեն և տ. Աթանաս քահանա հայրերը:

Չորս քահանա հայրերը ավարտել են ա. Էջմիածնի հոգևոր ճեմարանը և ապա իրենց ուսումը կատարելագործել Երևանի պետական համալսարանի պատմական և բանասիրական ֆակուլտետներում: